

БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE

ДОМ НАРОДА
ПРЕДСТАВНИЧКИ ДОМ

DOM NARODA
PREDSTAVNIČKI DOM / ZASTUPNIČKI DOM

Привремена заједничка комисија оба дома
Парламентарне скупштине БиХ за спровођење
процедуре за именовање три омбудсмена за
људска права Босне и Херцеговине

Privremena zajednička komisija oba doma
Parlamentarne skupštine BiH za provoden-
je procedure za imenovanje tri ombudsme-
na za ljudska prava Bosne i Hercegovine

Privremeno zajedničko povjerenstvo obaju
domova Parlamentarne skupštine BiH za
provođenje procedure imenovanja tri
ombudsmana za ljudska prava Bosne i
Hercegovine

Broj: 01,02-50-16-432-5,1/22

Sarajevo, 24.8.2022.

PARLAMENTARNA SKUPŠTINA BiH
PREDSTAVNIČKI DOM

n/r predsjedavajućem Doma

DOM NARODA

n/r predsjedavajućem Doma

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

6

PRIMLJENO: 26-08-2022			
Organizaciona jedinica	Klasifikaciona oznaka	Redni broj	Broj priloga

PREDMET: Izvještaj o utvrđivanju rang-liste kandidata za imenovanje tri ombudsmena za ljudska prava Bosne i Hercegovine

Poštovani,

U skladu s članom 9. Zakona o ombudsmenu za ljudska prava Bosne i Hercegovine („Službeni glasnik BiH“, br. 19/02, 35/04 i 32/06), Zaključkom o osnivanju Privremene zajedničke komisije oba doma Parlamentarne skupštine BiH za provođenje procedure za imenovanje tri ombudsmena za ljudska prava Bosne i Hercegovine („Službeni glasnik BiH“, broj 44/21), čl. 2. i 14. Poslovnika Privremene zajedničke komisije oba doma Parlamentarne skupštine BiH za provođenje procedure za imenovanje tri ombudsmena za ljudska prava Bosne i Hercegovine, u prilogu Vam dostavljamo Izvještaj o utvrđivanju rang-liste kandidata za imenovanje tri

ombudsmena za ljudska prava Bosne i Hercegovine, broj: 01,02-50-16-432-5,1/15, od 24.8.2022.,
usvojen na 5. sjednici Privremene zajedničke komisije, održanoj 24.8.2022.

S poštovanjem,

Prilog: - Izvještaj,

- Biografije kandidata za imenovanje tri ombudsmena za ljudska prava BiH.

DOSTAVLJENO:

- naslovu
- a/a





ДОМ НАРОДА
ПРЕДСТАВНИЧКИ ДОМ

DOM NARODA
PREDSTAVNIČKI DOM / ZASTUPNIČKI DOM

Привремена заједничка комисија оба дома
Парламентарне скупштине БиХ за спровођење
процедуре за именовање три омбудсмена за
људска права Босне и Херцеговине

Privremena zajednička komisija oba doma
Parlamentarne skupštine BiH za provođenje
procedure za imenovanje tri ombudsme-
na za ljudska prava Bosne i Hercegovine

Privremeno zajedničko povjerenstvo obaju
domova Parlamentarne skupštine BiH za
provođenje procedure imenovanja tri
ombudsmana za ljudska prava Bosne i
Hercegovine

Broj: 01, 02-50-16-432-5,1/22

Sarajevo, 24. 8. 2022.

PARLAMENTARNA SKUPŠTINA BiH
PREDSTAVNIČKOM DOMU
DOMU NARODA

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
S A R A J E V O

PRIMLJENO: 26-08-2022			
Organizaciona jedinica	Klasifikaciona oznaka	Redni broj	Broj priloga

Na osnovu člana 55. Poslovnika Predstavničkog doma Parlamentarne skupštine BiH („Službeni glasnik BiH“, br. 79/14, 81/15, 97/15, 78/19 i 26/20), člana 45. Poslovnika Doma naroda Parlamentarne skupštine BiH („Službeni glasnik BiH“, br. 58/14, 88/15, 96/15 i 53/16), člana 9. Zakona o ombudsmenu za ljudska prava Bosne i Hercegovine („Službeni glasnik BiH“, br. 19/02, 35/04 i 32/06) i Zaključka o osnivanju Privremene zajedničke komisije oba doma Parlamentarne skupštine BiH za provođenje procedure za imenovanje tri ombudsmana za ljudska prava Bosne i Hercegovine („Službeni glasnik BiH“, broj 44/21), Privremena zajednička komisija oba doma Parlamentarne skupštine BiH za provođenje procedure za imenovanje tri ombudsmana za ljudska prava Bosne i Hercegovine na 5. sjednici, održanoj 24. augusta 2022. godine, usvojila je, te Predstavničkom domu i Domu naroda Parlamentarne skupštine BiH podnosi sljedeći

IZVJEŠTAJ

o utvrđivanju rang-liste kandidata za imenovanje tri ombudsmana za ljudska prava Bosne i Hercegovine

I. Imenovanje članova Privremene zajedničke komisije oba doma Parlamentarne skupštine BiH za provođenje procedure za imenovanje tri ombudsmana za ljudska prava Bosne i Hercegovine

Parlamentarna skupština BiH je na 19. sjednici Doma naroda, održanoj 1. jula 2021, i na 22. sjednici Predstavničkog doma, održanoj 7. jula 2021, imenovala članove Privremene zajedničke komisije oba doma Parlamentarne skupštine BiH za provođenje procedure za imenovanje tri ombudsmana za ljudska prava Bosne i Hercegovine (u daljnjem tekstu: Privremena zajednička komisija), u kojoj su:

Bariša Čolak, Amir Fazlić i Dušanka Majkić iz Doma naroda, te Alma Čolo, Borjana Krišto i Ljubica Miljanović iz Predstavničkog doma Parlamentarne skupštine BiH.

II. Zadaci i hronologija rada Privremene zajedničke komisije

U skladu s članom 9. Zakona o ombudsmenu za ljudska prava Bosne i Hercegovine („Službeni glasnik BiH“, br. 19/02, 35/04 i 32/06) te Zaključkom o osnivanju Privremene zajedničke komisije oba doma Parlamentarne skupštine BiH za provođenje procedure za imenovanje tri ombudsmena za ljudska prava Bosne i Hercegovine („Sužbeni glasnik BiH“, broj 44/21), zadatak Privremene zajedničke komisije bio je da usvoji potrebne akte o svom radu, te provede proceduru oglašavanja i domovima predloži kandidate za imenovanje tri ombudsmena za ljudska prava Bosne i Hercegovine.

Kako bi realizirala svoje zadatke, Privremena zajednička komisija održala je pet sjednica.

Konstituirajuća sjednica održana je 23. marta 2022. Na ovoj sjednici članovi Privremene zajedničke komisije jednoglasno su za predsjedavajuću izabrali Dušanku Majkić, za prvu zamjenicu predsjedavajuće Almu Čolo, te za drugog zamjenika Barišu Čolaka.

S ciljem javnosti rada, na veb-stranici PSBiH objavljeni su određeni akti, kao što su: Poslovnik Privremene zajedničke komisije, usvojeni zapisnici sjednica, tekst Javnog konkursa i najave održavanja sjednica, te određeni popratni materijali za sjednice.

Privremena zajednička komisija je na 2. sjednici, održanoj 25. maja 2022. godine, usvojila Poslovnik. Poslovnikom je propisan način rada Privremene zajedničke komisije, raspisivanje i uslovi javnog konkursa, rad po okončanju javnog konkursa, javnost rada, kriteriji bodovanja, intervju - javno saslušanje, utvrđivanje rang-liste kandidata te prijelazne i završne odredbe. Na istoj sjednici Privremena zajednička komisija usvojila je i Odluku o raspisivanju Javnog konkursa za provođenje procedure za imenovanje tri ombudsmena za ljudska prava Bosne i Hercegovine, tekst Javnog konkursa za provođenje procedure za imenovanje ombudsmena za ljudska prava Bosne i Hercegovine, kao i prijavni obrazac za kandidate za ombudsmena za ljudska prava Bosne i Hercegovine, nakon čega se pristupilo objavljivanju Javnog konkursa.

Javni konkurs za provođenje procedure za imenovanje tri ombudsmena za ljudska prava Bosne i Hercegovine objavljen je u „Službenom glasniku BiH“, broj 35/22 od 31. 5. 2022. i „Službenom glasniku Brčko Distrikta BiH“, broj 16/22 od 1. 6. 2022, te Obavještenje o objavljivanju Javnog konkursa u dnevnim listovima: „Glas Srpske“, „Večernji list“ i „Dnevni avaz“.

Rok za podnošenje prijava na Javni konkurs bio je (zaključno) 15. juni 2022.

III. Prijavljeni kandidati, utvrđivanje ispravnosti dostavljene dokumentacije i intervju

Na Javni konkurs pristiglo je ukupno 11 prijava. Sve prijave stigle su u predviđenom roku. Privremena zajednička komisija je na 3. sjednici, održanoj 26. jula 2022. godine, razmotrila

sve pristigle prijave i provjerila da li su kandidati, u skladu s Javnim konkursom, dostavili valjane dokaze o ispunjavanju općih i posebnih uslova. U skladu s članom 11. Poslovnika, Privremena zajednička komisija utvrdila je da je deset kandidata dostavilo potpune i uredne prijave, i to:

1. Harisa Bačvić,
2. Jelena Cvijetić,
3. Jasminka Džumhur,
4. Nives Jukić,
5. Branka Kolar-Mijatović,
6. Monika Mijić,
7. Ljubinko Mitrović,
8. Vanja Pavlović,
9. Alma Suljić i
10. Nevenko Vranješ.

Jedna prijava je odbačena kao nepotpuna, jer kandidatkinja Emina Halilović nije dostavila dokumente kako je to propisano tekстом Javnog konkursa u dijelu *Potrebni dokumenti* pod rednim brojem 4, ovjerena kopija uvjerenja o položenom pravosudnom ispitu. Kandidatkinja je, u skladu s Poslovníkom, pismeno obaviještena.

U skladu s članom 12. Poslovnika Privremene zajedničke komisije, deset kandidata pozvano je na intervju. O datumu, vremenu i mjestu održavanja intervjua svi kandidati obaviješteni su pismenim putem, telefonom i putem e-maila.

Privremena zajednička komisija je na 4. sjednici, održanoj 24. 8. 2022, obavila intervju s kandidatima za ombudsmena za ljudska prava Bosne i Hercegovine.

Intervjuu se odazvalo osam kandidata za poziciju ombudsmena za ljudska prava BiH. Kandidat Ljubinko Mitrović obavijestio je Privremenu zajedničku komisiju da odustaje od intervjua. Kandidatkinja Vanja Pavlović obaviještena je da je, u vezi s njenim zahtjevom da joj se omogući naknadni termin za intervju, Privremena zajednička komisija jednoglasno zaključila da nema prostora za prolongiranje intervjua.

Privremena zajednička komisija je, u skladu s članom 13. Poslovnika, nakon obavljenog intervjua izvršila ocjenjivanje kandidata za poziciju ombudsmena za ljudska prava BiH. Ocjenjivanje kandidata obavljeno je u skladu s kriterijima utvrđenim Poslovníkom. Svaki član Privremene zajedničke komisije na intervjuu ocijenio je svakog kandidata za ukupan utisak koji je kandidat na njega ostavio (od 0 do 50 bodova) uzimajući u obzir obavljeni intervju, dosadašnje radno iskustvo u pravnoj struci i stečeno iskustvo u oblasti zaštite ljudskih prava i sloboda građana. Članovi Privremene zajedničke komisije su prilikom ocjenjivanja kandidata uzimali u obzir odredbu Zakona o ombudsmenu za ljudska prava Bosne i Hercegovine kojom se traži da ombudsmeni za ljudska prava imaju visok moralni ugled. Ukupna ocjena svakog kandidata je zbir bodova koje je dobio od svakog člana Privremene zajedničke komisije, u skladu s navedenim kriterijima.

IV. Utvrđivanje rang-liste kandidata i dostavljanje Predstavničkom domu i Domu naroda Parlamentarne skupštine Bosne i Hercegovine na daljnji postupak

U skladu sa zakonskim i poslovničkim odredbama, Privremena zajednička komisija je na 5. sjednici, održanoj 24. 8. 2022, utvrdila rang-listu kandidata za imenovanje tri ombudsmena za ljudska prava BiH:

RANG-LISTA KANDIDATA ZA IMENOVANJE TRI OMBUDSMENA ZA LJUDSKA PRAVA BOSNE I HERCEGOVINE

R/b	Ime i prezime kandidata	Nacionalna/ etnička pripadnost kandidata	Broj bodova
1.	JASMINKA DŽUMHUR	Bošnjakinja	48,8
2.	NEVENKO VRANJEŠ	Srbin	48,4
3.	NIVES JUKIĆ	Hrvatica	48,2
4.	MONIKA MIJIĆ	Hrvatica	48
5.	HARISA BAČVIĆ	Bošnjakinja	44,8
6.	JELENA CVIJETIĆ	Srpkinja	44,6
7.	BRANKA KOLAR-MIJATOVIĆ	Srpkinja	40
8.	ALMA SULJIĆ	Bošnjakinja	36,4

Na istoj sjednici Privremena zajednička komisija usvojila je i Izvještaj o utvrđivanju rang-liste kandidata za imenovanje tri ombudsmena za ljudska prava BiH, te ga upućuje Predstavničkom domu i Domu naroda Parlamentarne skupštine BiH na daljnji postupak.

Za izvjestioce o radu i o Izvještaju o utvrđivanju rang-liste kandidata za imenovanje tri ombudsmena za ljudska prava BiH u domovima Parlamentarne skupštine BiH Privremena zajednička komisija odredila je:

- iz Predstavničkog doma – Almu Čolo, prvu zamjenicu predsjedavajuće Privremene zajedničke komisije,
- iz Doma naroda – Dušanku Majkić, predsjedavajuću Privremene zajedničke komisije.

Predsjedavajuća Privremene zajedničke komisije
Dušanka Majkić

